



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 30 yüli 2020

Sifra índise di preis pa konsumidó pa luna di yüni 2020

Desaroyo di preisnan pa konsumidó na Kòrsou pa luna di yüni 2020

For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 0.3 porshento na luna di yüni 2020 kompará ku luna di mei 2020. E sifra di inflashon a baha na 2.5 porshento.

Desaroyo di preis luna di yüni 2020 kompará ku luna di mei 2020


E sifra índise di preis pa konsumidó (CPI, “Consumer Price Index”) di Kòrsou a subi ku 0,3 porshento na luna di yüni 2020 kompará ku luna di mei 2020, esta di 133.7 na mei 2020 pa 134.1 na yüni 2020.

E kambionan di preis spesífiko ku mas a sobresalí durante luna di yüni 2020 ta; subida di kerosin 10.1%), karni i piska (2.9%), batata, berdura i fruta (1.1%) i komementu for di kas (0.8%).

Desaroyo di preis luna di yüni 2020 kompará ku luna di yüni 2019

E CPI di yüni 2020 (134.1) ta 1 porshento mas haltu ku e CPI di yüni 2019 (132.8). E sifranan aki ta indiká ku e nivel di preis pa konsumidó durante luna di yüni 2020 ta 1% mas haltu kompará ku e mes un luna na 2019. E kategorianan ku a kontribuí mas tantu na e subida aki ta bebida, sigaria, muebel i salubridat.

Desaroyo di preis riba término largu: inflashon yüni 2020



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku yüni 2019 ku mes periodo un aña anterior, ta resultá ku preisnan na averahe a subi ku 2,5 porshento: e CPI promedio di 12 luna a desaroyá di 130.3 na yüni 2019 pa 133.6 na yüni 2020.

////////////////////////////////////